

Guangjisi Minzcu Bau

ganhhau: CN45-0036 B.2016 Nd.12 Ng.14 liggaueq bingjsaen nienz ndwenit cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3253期

Yungzsuij Yungh Lai Cungj Banhfap Gyarengz Baujhoh Vwnzva Myauzcuz

融水多措并举加大苗族文化的保护力度

Gaenh bi neix daeuj, Yungzsuij Myauzcuz Swciyen gyarengz baujhoh vwnzva minzcuz, aeu baujhoh vwnzva Myauzcuz gvihaeuj gij gvaengxlaengx aen yienh ginghci hwngfat bae, gig yawjnaek baujhoh vwnzva Myauzcuz, vatcimh gij swhyenz vwnzva Myauzcuz, dungjcouz gveihva baujhoh, guhndei giekdaj sezsih hwnjguh, rengzrwd doidoengh ndaw yienh ginghci hwngfat.

It dwg laebcaez hezdiuz gihci. Gyagiengz lingjauj caeuq hezdiuz hong baujhoh caeuq hwngfat vwnzva Myauzcuz, dawz de gvihaeuj gij anbaiz youqgaenj ngoenznaengz bae, dinghmingz yinvu, doeksaed cwzyin; okdaiz gij cijdaujsing vwnzgen, sonyinx gak aen hanghmoeg saedhengz cawjdaej bumwnz daj mwh hanghmoeg luncwng cungfaen ngeixnaemj gij daegbied

iugouz baujhoh caeuq hwngfat vwnzva minzcuz, saedbauj hong vwnzva minzcuz hwnjguh netsaed guh caemhcai q aeu ndaej cingzyauq.

Ngeih dwg aeu denjhingz guhyiengh sonyinx. Ciuq dieg bae guh, doiq vwnzva Myauzcuz guh cinjdeng dinghvi, gohyoz luncwng, gaengawq daegsaek bonjfaenh, giethab dangdieg ginghci sevei hwngfat lohnaemj, gohyoz cei qdingh gij gveihva baujhoh caeuq hwngfat vwnzva minzcuz, yiemzgek ciuq gveihva guh baujhoh caeuq haifat.

Sam dwg gyalai bangfuz ligdoh. Gak bumwnz mboujduenh gyalai bued roengz ligdoh doengzseiz, Youq hanghmoeg, ngaenzcienz, gisuz daengj fuengmienh baumaenh dox boiqhab, cungfaen cingjhab swhyenz, saedyienh gak bumwnz swhyenz

hableix mizyauq boiqbaij; aeu gaen-gawq bumwnz ciznwngz, daj daengx-buenz bae aeu bumwnz caez guh, saedbauj cingjdaej doicaenh; dawz vwnzva Myauzcuz hwnjguh caeuq minzcuz doxgiet cinbu aenmbanj guhyiengh cauxlaeb hozdung, lajmbanj gyaunde i hwnjguh, minzcuz lijyouz ginghci haifat daengj giethab hwnjdaej, aeu aenmbanj daegsaek hwnjguh guh bingzdaiz, aeu seveicujyi lajmbanj moq hwnjguh caeuq lijyouz canjnieb hwngfat hanghmoeg guh caidij, dungjcouz anbaiz, gaenxmaenx doicaenh, gyonjcomz ngaenzcienz banh saehhung, cungfaen diuhdoengh gij cizgizsing gyoengq ganbu ginzcung, doengzcaez roengzrengz doicaenh hwnjguh vwnzva siujsoq minzcuz.

(Moz Siujlenz/莫小莲)



Sanhgyangh: Lijyouz Banggungz Leih Nungzgyah

三江: 旅游扶贫惠农家

Geij bi neix daeuj, Sanhgyangh Duncuz Swciyen baengh minzcuz fungcingz caeuq swngdhai vanzging "song mbaw mingzben", ciuq dieg bae hwngfat lajmbanj nungzgyahloz, nungzyez yawjngonz youzset daengj, yinx hekyouz bae lajmbanj daejniemh mbaet caz, gaeb bya, hag Godung, guh ceiz daengj dinfwngz Mbanjdung, doenggvaq gij vunqsik "hozcozse + nungzgyahloz + ranzungzhoj" haiguh lijyouz banggungz, daiqdoengh ranzungzhoj cauxnieb laisou. Ndaw doz dwg hekyouz cingq daejniemh guh ceiz.

(Gung Bujangh/龚普康)

Dwzbauij Yen Banh Fwencuengh Doxdax Hozdung

德保县举行壮族山歌大赛活动

Mboengqneix, Dwzbauij Yen youq Minzcuz Vwnzva Cungsim Gvangicangz banh Fwencuengh doxdax hozdung, miz 95 aen doihfwen bauqmingz camgya doxdax, miz fanh baux doxhwnj gyoengq baux gyaenz fwen daengz yienhciegz yawjngonz, dwg aen yienh neix baez eu fwen doxdax lizsij doxdauj doihfwen camgya, bouxyawj yawjngonz cei q lai he.

Baez doxdax neix mboujdan miz canghfwen aen yienh neix, lij miz gyoengq canghfwen Yougyangh Gih,

Denzyangz Yen, Cingsih Si, Denhdwngj Yen daengj yienhgieh daengz ciengz guh doxdax dem. Doxdax faen cosa i q, fuksai q caeuq gietsai q sam duenh gungh guh 6 ngoenz.

Doxdax yienhciegz, gyoengq canghfwen gak doihfwen hopheux Cibbet Gai q Roek Cung Cienzhohi cingsaenz cawjdaez, yungh gij fwen ndeidingq, nyuenz miz neix. Danqhaenh leih minz cwngcwz dangj, giengiet hoenxhingz ciengz ciengq vut gungz gunggeng, veh yienhgsiengq moq seveicujyi lajmbanj moq caeuq

Dwzbauij gyaunde i daengj gwnz-biengz huzndei funghsang moq, ciengqyiengj siengjmuengh Cungguek.

Doenggvaq baez hozdung neix, mboujdan fungfouq gij cingsaenz vwnzva saedceij vunzlai, coicaenh minzcuz doxgiet, gwnzbiengz huzndei onjdingh, ginghci hoenghvuengh hwngfat, lij ndaej daezsang gak dieg beksingq roxnyinh vwnzva minzcuz youqgaenj, hawj vwnzva minzcuz maenhndei ndaej engq ndei swncienz, vatcimh, baujhoh caeuq hwngfat.

(Nungz Yungjifang)

SIUSIK DINJ

简讯

● Mboengqneix, Guengjdoeng Cinghlenz vejyenz bang vunz he bae daengz Cauhbingz Yen Vangzyauz Cin Sinhcai Siujyoz, giensoengq 8 fanh maenz ngaenz caeuq doxgai q hagsib yungh hawj ca mbouj lai bak baux cungh siuj hagseng hagsib ndei, ranzungzhoj haenx, gujli gyoengqde ndeindei hagsib, coglaeng guh baux vunz miz yungh he.

(Liuz Feih Cinz Gen)

● Bineix doxdauj, Yinhcwngz Yen aeu gij guhhong moegbiu "hopheux banggungz gaem dangigen, gaem ndei dangigen coicaenh vut gungz", laebdin saedsaeh, aeu hwngfat ciennieb hozcozse guh diemj-cabhaeuj, aeu dangjcihbu guh haedsim, gaenxmaenx damqra gij vunqsik moq cingcinj banggungz "dangjcihbu + hozcozse + ranzungzhoj", mboujdan daezsang le gij canjnieb banggungz yauliz, lij gaijgez le gij vwndiz "boux daiqdaez" mbouj gaeuq caeuq "gij cawjeiq doekdingh" mbouj geng.

(Mungz Gyahho)

● Bineix doxdauj, Lozcwngz Mulaujcu Swciyen gaenxmaenx sonyinx mbangj nungzyez gyaeu jlungz giyez dangdieg, doenggvaq hailaeb cehgenh guhhong geiqciet, hong gyoeb gienh daengj banhfap, gvangqlangh yinx vunzlai gungzhoj dangdieg haeuj giyez dajgoeng ra cienz, gawq coicaenh vunzlai gungzhoj vaiqdi vut gungz baenz fouq, youh gaijgez gij vwndiz mbangj giyez, nungzminz hozcozse goengrengz mbouj gaeuq.

(Vuz Danhhoz)

● Geij bi neix daeuj, Lungzswng Gak Cuz Swciyen doi q gyauyuz saehnieb bued roengz ligdoh mboujduenh gyagiengz, mboujduenh giengzvaq gij ciznwngz cwngfuj banh gyauyuz, haenqrengz haeujcoengh caeuq bangcoh ngaenzcienz, yinxhaeuj vunzcaiz, hanghmoeg bued roengz daengj. Doenggvaq miz bouhloh haiguh hong bujdungh gauhcungh gocwngz gaijgwz, yungh gij fuengsik "cingj haeujdaej, byaij okbae", yie ngq hagdangz okmingz hagsib gingniemh ndei, daengx yienh gyauyuz saehnieb mboujduenh aeunda i cingzcik ndei.

(Banh Cisiengz)